

Hronika jos nekaznjenog zlocina (4)

KO UBI MURADIFA ALICA, MESU ARNAUTOVICA I MURATA BADICA ?

Dva nikad razjasnjena zlocina nad Bosnjacima desila su se u Mahali, koja je sada u opcinu Osmaci i Gajevima kod Lopara. Snajperskim hicem u glavu ubijen je povratnik u Gajeve Mesa Arnautovic, a Muradif Alic je od

strane policije RS pretucen do smrti. Ima fotografija iz Mahale, vide se povratnici i oni koji su tukli. Mi te slike nudimo pa neka MUP RS, koji vodi Dragan Lukac, odrzi obecanje i upita policajce sa fotografija ko je Muradifa Alica u naselju Mahala tukao do smrti. To su mogli svjedociti i pripadnici IFOR-a, koji su bili na mjestu tragicnog dogadjaja.

Dok pisem vecerasnji nastavak hronike jos nekaznjenog poslijeratnog zlocina nad bosnjackim povratnicima u Podrinju, gledam i jedan tekst TV Al Jazeera i mog dragog kolege Mirze Sadikovica o zaboravljenoj zrtvi nacionalistickog orgijanja 7. maja 2001. godine. Svi se vjerovatno sjecate sta se desavalo prilikom pokusaja postavljanja kamena-temeljca za obnovu ljepote dzamije Ferhadije.

Napadnuta je zgrada Medzlisa IZ u Banjoj Luci, zapaljena zastava IZ BiH, izgorjelo nekoliko autobusa, a Murat Badic iz Cazina ubijen je kamenjem. Kamenovan u centru grada. Ubica Murata Badica nikada nije otkriven, privedeni ekstremisti dobili neke smijesne kazne kao da su se potukli u kafani, a obitelji Murata Badica sudovi su na kraju odredili odstetu od 36.000 KM i to u 10 rata za 10 godina. Haram im bilo, za RS zivot stravicno ubijenog Murata Badica vrijedi 36.000 KM! Hvala mom kolegi Sadikovicu i Al Jazeera sto vas slikom mogu podsjetiti na Murata Badica.

Rahmetli Muradif Alic, Mesa Arnautovic i Murat Badic, koje su mnogi, posebno vlasti, davno zaboravili, uz casne izuzetke muftijstva i Medzlisa IZ Banja Luka, bar imaju pravo na pravdu i kazne za poslijeratne zlocine. Ako ministar Dragan Lukac ne natjera svoju policiju da nadje sve ubice iz ove hronike, koja ce se nastaviti, onda je javnosti dao lazna obecanja !







